





御製協紀辯方書序



粵昔帝堯命羲和敬授人時厥民知析日夷燠之節後聖有作推而弥廣至於外事用劉日內事用彙日此皆載之經典百王不易

御製序

一

者也厥後濫觴日以訛謬術士以吉凶禍福之說震驚朕師不可方物如褚少孫補史記所稱彼家云吉此家云凶彼家云小吉此家云大凶茫乎不知其畔

岸漢武以來已如聚訟而  
荀悅王克輩斥為理之所  
無弃而勿論者也雖然天  
以日月行四時人奉天而  
時若嚮明而治嚮晦而息  
后王君公所以奉若天道

御製序

二

也日出而作日入而息羣  
黎百姓所以奉若天道也  
否則不能晨夜不夙則暮  
詩人譏焉人：所知也然  
則舉大事動大眾協乎五  
紀辯乎五方以順天地之

性豈無寸分節解以推極其至精至微之理者歟其支離蒙昧拘牽謬悠之說乃術士之過而非可因噎而廢食者也欽天監舊有選擇通書刻於康熙二十

御製序

三

二年其書成於星官之手曰訛齷謬見之施行往往舉茅刺盾

皇祖

聖祖仁皇帝知其荒率不可以訓曾纂為星厯考原一書刊刻頒行而未將監

聖人

本改正蓋以待夫後人  
之心慎而又慎如此也以  
諭監臣監臣曰通書之課  
允宜改正朕曰其請謂及  
今猶有莊親王等數人曾  
經

御製序

四

皇祖

指授稍明此理使此時不  
加訂正恐後此益復無可  
任使爰命編輯成書頒布  
天下較之舊本課說少除  
然俗所久沿則亦不能盡  
去便民用也命名曰協紀

辯方書夫協紀辨方者敬  
天之紀敬地之方也一作  
止一語默天地實武臨之  
况其大乎如曰如是則吉  
如是則凶如是則福如是  
則禍則明者所弗道也雖  
然敬不敬之間吉凶禍福  
隨之矣是為序

乾隆六年十二月望日

御製序

五



欽天監監正兼佐領臣進愛謹

奏為請

旨重修選擇通書萬年書以昭畫一以垂永久事竊  
惟陰陽選擇書籍繁多彼此參差最難考定康  
熙二十二年

聖祖仁皇帝

特命九卿詹事科道會議照依前定選擇通書萬年書  
遵行仍取通書大全內二十四條附入選擇通  
書彙為一部與萬年書一同永遠遵行臣監遵

欽定協紀辨方書

奏議

奉編校繕成十卷擬名

欽定選擇通書進呈

御覽奉

旨依議欽遵在案惟是從來選擇諸書皆未考究根源  
臣監當年編校亦止照依舊本

聖祖仁皇帝道通法象學貫天人康熙五十二年

大內蒙養齋開局

命和碩莊親王率同翰林何國宗梅穀成等恭編

御製算法律呂諸書併發曹振圭所著曆事明原著同

大學士李光地重加考訂

親加披覽

賜名御定星曆考原

頒賜臣監臣等欽遵考校始知從前選擇通書內尚有傳譌卽萬年書與選擇通書亦未畫一除時憲書紀年九宮已奉

特旨改正外其餘參差錯誤之處甚多因係久經九卿定議遵行之書未敢遽議更改今臣監開設增修時憲算書館和碩莊親王現在總理梅穀成

欽定協紀辨方書

奏議

二

何國宗現在總裁臣蒙

皇上天恩特授監正職叨協理館事所有臣監選擇通書萬年書參差錯誤之處應請一併考訂重修庶可昭畫一而垂永久倘蒙

皇上恩准請以梅穀成何國宗爲總裁臣監監副李廷耀專司選擇請以爲副總裁再量選臣監通曉選擇官生十員分修校錄除現今在館各員已蒙

聖恩賞給桌飯銀兩外其餘亦請照例支給應用紙



張等項照例該處支取書成之日進呈

御覽恭請

欽定一併交

武英殿刊刻頒行所有應改條目關係神煞及合  
婚俗論應行刪去之處臣監未敢擅便謹另單  
臚列伏乞

皇上睿鑒勅部定議臣監遵奉施行爲此謹

奏請

旨

欽定協紀辨方書

奏議

三

計開

一天德乃月建三合五行中和之氣孟月用陰  
干季月用陽干仲月用庫宮如申子辰月三合  
水局申孟月以癸爲天德辰季月以壬爲天德  
子仲月以巽爲天德水庫在辰屬巽宮也天德  
不用地支故不用辰而用巽通書子月巳月誤  
載天德宜改正

一月恩乃月建所生之氣陽月生陽干陰月生  
陰干通書五月丙戌日十二月甲子日誤載月

恩宜改正

一喜神乃取時干見丙如甲日丙寅時則以寅時爲喜神論方向則以寅屬艮卽以艮方爲喜神是方向原從時起通書以丑寅皆屬艮誤以甲日丑時亦爲喜神逐日皆誤俱宜改正  
一復日乃月建所同之干如正月建寅爲陽木而甲亦陽木故正月以甲日爲復日七月建申爲陽金而庚亦陽金故七月以庚日爲復日世俗作爲歌訣云正七連庚甲通書因誤以正月

之庚日七月之甲日皆爲復日逐月皆誤俱宜改正

一九空乃月建三合庫地對衝之日如寅午戌月合火局火庫在戌故以辰日爲九空通書九空誤爲寅午戌月辰卯寅日卯未亥月丑子亥日辰申子月戌酉申日巳酉丑月未午巳日俱宜改正

一大敗乃月建三合五行沐浴如寅午戌月合火局火長生在寅沐浴在卯故寅午戌月以卯

日爲大敗日通書誤以春卯夏午秋酉冬子爲  
大敗日俱宜改正

一蠶官蠶室蠶命乃取歲方生養之地如歲在  
東方寅卯辰屬木木養于戌爲蠶官生于亥爲  
蠶命乾在戌亥之間爲蠶室通書蠶命惟寅午  
二年合餘年俱誤宜改正

一男女合婚以生命之九宮配卦爻之變動六  
爻不動爲歸魂一爻變爲五鬼二爻變爲福德  
三爻變爲絕體四爻變爲天醫五爻變爲生氣

游魂卦爲游魂歸魂卦爲絕命牽合非倫至年  
命神煞雖亦附會五行然非祿命之理如以年  
命之納音五行生于死墓絕之三月爲男妨妻  
女妨夫尤屬妄誕愚民拘牽俗論往往婚姻失  
時應請刪去

一紅沙日忌嫁娶上元下元四不祥日忌上官  
選擇通書皆不載萬年書亦不載紅沙臣監舊  
例註時憲書時按期添入查紅沙乃巳酉丑金  
局日孟月巳日仲月酉日季月丑日相傳又誤

以爲孟月酉日仲月巳日甚屬無當上元下元  
乃俗傳小六壬之留連赤口日陽年正月初一  
日起小吉陰年正月初一日起留連按日順數  
尤爲荒陋四不祥乃從朔日取對七爲衝隔三  
爲破自初一順數初四日爲隔三初七日爲對  
七十六日又爲隔三十九日又爲對七十二八  
日又爲隔三故皆爲四不祥日不論月建與干  
支而以月朔定衝破甚屬不經應請一併刪去  
等因于乾隆四年七月二十七日交與奏事郎

欽定協紀辨方書

奏議

六

中張文彬等轉奏本日奉

旨該部議奏欽此

禮部謹

題爲遵

旨議奏事該臣等議得欽天監監正進愛條奏重修  
選擇通書萬年書以昭畫一以垂永久一摺據  
進愛奏稱從來選擇諸書皆未考究根源臣監  
當年編校亦止照依舊本康熙五十二年

命和碩莊親王等恭編

御製算法律呂諸書

賜名御定星曆考原

頒賜臣監臣等欽遵考校始知從前選擇通書內尚有傳譌卽萬年書與選擇通書亦未盡一除時憲書紀年九宮已奉

特旨改正外其餘參差錯誤之處甚多因係九卿定議遵行之書未敢遽議更改今臣監開設增修時憲算書館和碩莊親王現在總理梅穀成何國宗現在總裁所有選擇通書萬年書參差錯誤

欽定協紀辨方書

奏議

七

之處應請一併考訂重修請以梅穀成何國宗爲總裁監副李廷耀專司選擇請以爲副總裁再量選臣監通曉選擇官生十員分修校錄除現今在館各員已蒙賞給桌飯銀兩外其餘亦請照例支給應用紙張等項照例該處支取書成之日交

武英殿刊刻頒行所有應改條目關係神煞及合婚俗論應行刪去之處另單臚列伏乞

皇上睿鑒勅部定議等語查選擇通書紀陰陽之正

協剛柔之宜究象數本原以順時趨事載入時  
憲昭示萬方誠宜考校精詳歸於至當今該監  
既稱尚有參差錯誤之處應仍請

勅交總理增修時憲算書館和碩莊親王總裁梅穀  
成何國宗等一併考訂重修至稱監副李廷耀  
專司選擇請以爲副總裁等語查監正進愛現  
在協理館事監副李廷耀選擇既係專司自宜  
令其協同辦理其請以爲副總裁之處無庸議  
至分修校錄不可乏員應如所請令該監於通

欽定協紀辨方書

奏議

八

曉選擇之擎壺正博士天文生挑取十員其桌  
飯銀兩併應用紙張等項照該館例支取報銷  
所有單內應改條目交與該館詳核訂正務於  
畫一可垂永久書成之日進呈

御覽恭候

欽定一併交與

武英殿刊刻頒行可也等因於乾隆四年八月二  
十六日題本月二十九日奉

旨依議欽此

總理增修時憲算書館事務和碩莊親王臣允祿謹

奏爲請

旨事竊臣館奉

旨重修萬年時憲書選擇通書務期考據精詳校訂  
明確方可昭示天下垂諸永久但神煞宜忌各  
有根源而諸本吉凶多相矛盾臣等現將各神  
宜忌之事與各事宜忌之神悉心參互考訂正  
其譌謬去其重複分派在館各員重加修註此  
外根據未詳彼此互異之處尚多查內閣學士

欽定協紀辨方書

奏議

九

張照學問淹博家多藏書且素日亦留心神煞  
選擇之事伏乞

皇上天恩准令張照兼臣館總裁行走遇有考訂之  
處與梅穀成何國宗一同商酌辦理於臣館事  
務實有裨益爲此謹

奏請

旨等因於乾隆五年二月初九日交與奏事郎中張  
文彬等轉奏本日奉

旨好欽此

總理增修時憲算書館事務和碩莊親王臣允祿等謹  
奏爲請

旨事竊臣館奉

旨重修選擇通書萬年書先據欽天監監正臣進愛  
奏稱應改條目關係神煞及合婚俗論應行刪  
去之處另單臚列伏乞

皇上睿鑒勅部定議經禮部議覆單內應改條目交  
與該館詳核訂正務歸畫一可垂永久奉

旨依議欽此欽遵臣等謹按圖書爲五行生尅之原

欽定協紀辨方書

奏議

十

卦疇爲吉凶變化之本聖人作卜筮以前民用  
卽選擇之道所由昉也術數之家更相推衍神  
煞之名愈多而選擇愈無準的恭查康熙二十  
二年爲葉鍾龍誣告王府動土一案奉

聖祖仁皇帝諭旨陰陽選擇書籍浩繁吉凶禍福多相  
矛盾且事屬渺茫難以憑信若各據一書偏執已見  
捏造大言恣相告訐將來必致誣訟繁興作何立法  
永行無弊著九卿詹事科道會同確議具奏欽此

聖言煌煌萬世爲則矣但當時定議之臣雖經刪其矛



盾而尙多未盡應用神煞亦未考據本原臣等  
悉心考訂務求其理而得其合正其舛誤加之  
解說因見其荒誕錯誤尙有出於臣進愛所奏  
之外而必不可不改者春秋傳云國之大事在  
祀與戎今通書祭祀用神在日查所謂神在日  
者全無理解及檢道藏乃云許真君奏玉帝而  
定之荒誕已甚通書出軍忌九醜日今查九醜  
出於六壬凡十日每日各有一時爲九醜乃選  
時之法而通書誤以選時爲選日大事尙然其

小者又無論矣他如嫁娶周堂五姓修宅之類  
悉屬荒唐謬說而載在時憲書內又如天德月  
德乃上吉之日諸事皆宜今註時憲書天德日  
止宜修造動土月德日止宜修造動土宴樂上  
官殊於名義不合其餘吉凶宜忌亦多類此茲  
當奉

旨重修之時臣等又經查出自應一併釐定昔年時  
憲書內九宮錯誤

聖祖仁皇帝特諭欽天監具題改正有例可循但事重

司天議須衆允且於時憲書內多所更定大典  
攸關臣等謹將一切應刪應改之處與欽天監  
官員公同商酌另單開列恭呈

御覽伏乞

皇上睿鑒勅下大學士九卿定議施行臣等未敢擅  
便爲此謹

奏請

旨

計開

欽定協紀辨方書

奏議

十一

一時憲書載五姓修宅以五音分五姓始於漢  
時讖緯之說託之孔子歷代以來諸儒駁論不  
勝枚舉即使其說果是則自今日以溯黃帝民  
間姓氏屢改豈能猶合本音況實無義理徒滋  
拘忌應刪去

一男女合婚臣進愛已經奏請刪去至其嫁娶  
大利月及周堂日亦屬不經皆術士之妄說也  
查大利月以女命爲主陽年本命前一月陰年  
本命後一月爲大利次月妨媒次月妨翁姑次

月妨女父母次月妨夫次月妨女本身惟妨本身月爲女之本命與其對衝然選擇亦無專取本命年支一字之例餘更無義可推至于周堂載在時憲書以乾爲翁坎爲第艮爲竈震爲婦巽爲厨離爲夫坤爲姑兌爲堂大月從夫順數小月從婦逆數遇第堂厨竈爲吉遇翁姑夫婦則妨其人並不論本命與日干支尤屬無理細按其圖合於儀禮成婚之次日新婦盥饋而舅姑饗婦之位次其所爲翁姑夫婦者各人所立

之方向也宅與堂者宅爲坎宅堂爲坐西朝東之堂行禮之所古人堂室如是也有厨又有竈者厨爲女氏之行厨所以饋舅姑竈爲男氏之爨竈所以饗新婦婦在震方則厨竈在艮巽乃便也此豈得有吉凶生於其間耶查月有十二而忌者居其十而兩月六十日中忌者又居其半是使民間可以婚嫁之日至少也不便於民莫此爲甚亦應刪去

一時憲書載太白遊方不宜抵向其法每月一

日十一日二十一日在正東二日十二日二十  
二日在東南以次轉至東北八方既周則以九  
日十九日二十九日爲在中宮十日二十日三  
十日爲在天查太白星隨太陽出入前引後從  
總不遠離太陽右行太白豈能左行以算術求  
之萬不能符考其根原出於西域日時吉凶善  
惡宿曜經徧查釋藏並無此經不知其出何印  
度但彼處以每月初三爲一日又或以每月上  
弦爲一日與中國朔望總不相合然則太白卽

欽定協紀辨方書

奏議

十四

使左行亦與中國日辰不同況又萬無此理應  
刪去

一時憲書載長星短星每月各一日八九月各  
二日無論月之大小有閏無閏每年皆然義實  
無謂曹震圭以長星爲金短星爲火牽合虎鼠  
二遁爲之而其數仍必不能合則遷就他說以  
粘合之邵泰衢以爲生乎月而其說又無理之  
可申查長星短星所忌不過裁衣開市立券交  
易納財事既無關重輕世亦未嘗避忌亦毫無

應驗應俱刪去

一時憲書伏斷日密日裁衣日皆以值宿起算查二十八宿選擇之法來自西域其伏斷以日配宿與旬空路空之義相似尙屬有理至所謂密日者乃房虛星昴四宿七政屬日西語曰密主喜事中國遂以其日忌安葬啟攢今查西域二十八宿分屬七政其日各有宜忌與中國風俗迥然不同專取其密日殊屬無謂至以角亢房斗牛虛壁奎婁鬼張翼軫十三宿日爲宜裁

欽定協紀辨方書

奏議

五

衣亦無取義應一併刪去

一時憲書以每月三日四日八日九日十日十一日十三日十四日十五日二十二日二十三日二十六日二十七日及申酉亥子日爲宜洗頭日查通書祓除燥雪之事用申酉亥子日其尋常洗頭原不待擇日也況初三初四等日義亦無取應刪去

一二十八宿次舍星經天官書原係背宿在前參宿在後選擇家以酉日值背宿爲伏斷日星

命家二十八宿分配七政以日月火水木金土  
爲序背屬火參屬水皆依古宿次舍而定者也  
新法算書以參宿前一星爲距星參在前背在  
後則背宿與酉日不得相值星命家以爲水火  
顛倒查宿之距星惟人所指與算法疎密全無  
關礙又七政時憲書之羅喉計都乃月行正交  
中交之度古以正交爲羅喉新法算書以中交  
爲羅喉星命家以爲羅喉屬火計都屬土遂謂  
顛倒羅計查羅喉計都並非實有此星亦於字

義無取於算法尤無關礙應俱依古改正

一通書時憲書推日出入晝夜時刻春秋分前  
後隔六度小滿小雪前後一隔九度一隔十二  
度冬夏至前後隔十五度故交節氣之日無日  
出入晝夜時刻者有之今查春秋分前後隔五  
度小滿小雪前後一隔七度一隔八度則交節  
之日皆有日出入晝夜時刻于授時之義允協  
應改正

一通書以甲子乙丑丁卯戊辰辛未壬申癸酉

甲戌丁丑己卯庚辰壬午甲申乙酉丙戌丁亥  
己丑辛卯甲午乙未丙申丁酉乙巳丙午丁未  
戊申己酉庚戌乙卯丙辰丁巳戊午己未辛酉  
癸亥三十五日爲神在日其日宜祭祀曹震圭  
作明原謂爲唐賈耽所集曲爲之解而不能通  
又引撮要曰舊本錯誤十有八日今依官本改  
正未審舊本爲非新本爲是選擇宗鏡則曰神  
無所不在以此三十五日爲神在日其不在日  
又何在乎今徧查諸家通書皆無解說惟道藏

玉匣記云許真君考天曹案簿三十一日諸神  
在人間地府祭祀受福餘日諸神在天求福反  
禍察其日數雖比通書少四日不同九日然其  
爲根本於玉匣記而又加之以傳譌亦可斷矣  
荒誕不經實甚宜昔人之疑而駁之也今現用  
之殊屬未合按明原引神樞經等書天德合月  
德合福德普護福生聖心續世天后天巫宜祭  
祀祈福求嗣等事較之神在日爲近理應取天  
德合等日爲宜祭祀其神在日應刪去

一九醜本於壬遁其法以乙卯己卯辛卯乙酉  
己酉辛酉戊午戊子壬午壬子十日內視丑臨  
於支上則其時爲九醜課推其理唯此十課魁  
罡及口干皆落敗地故謂之醜乙己辛戊壬五  
干加子午卯酉四支共爲九故曰九醜並非此  
十日皆爲九醜日也今通書選時內原有九醜  
之說而又誤用之以選日則此十日內儘有吉  
日非盡應避忌也應改正

一辛未壬申癸酉己卯壬午甲申壬寅甲辰丙

午己酉庚戌丙辰己未庚申辛酉十五日爲大  
明日今通書稱上吉日明原謂是李淳風所集  
又以丙寅丁卯戊辰己巳壬申癸酉甲戌乙亥  
丙子丁丑庚辰辛巳甲申乙酉戊子己丑庚寅  
辛卯甲午乙未戊戌己亥壬寅癸卯甲辰乙巳  
戊申己酉庚戌壬子癸丑甲寅乙卯戊午己未  
庚申辛酉三十七日爲七聖日明原謂是賈耽  
所集七聖者黃帝元女文王周公孔子天老董  
仲舒也其日宜舉百事其說不倫全無義理今



選擇雖不用而通書猶載其名應刪去  
一玉皇鑾駕紫微帝星紫微鑾駕北辰帝星撼  
龍帝星都天寶照都天轉運行衙帝星周仙羅  
星星馬貴人既非實有此星又且必無此理且  
於一帝星之中又有金輪火輪水輪天乙太乙  
諸名選擇宗鏡曰皆術士捏造也今通書雖載  
其名實不用以選擇應俱刪去

一逆血刃隱伏血刃千金血刃五子打劫血刃  
山家火血山家刀砧或從年干起或從年支起

其於生尅制化之理了不相干選擇宗鏡曰民  
間最畏刀砧火血術士捏造惡名以嚇人耳今  
選擇不用而通書猶載其名應俱刪去

一九良星按年周遊於井廚門路庭堂寺觀之  
間全無義理通書總論內載元朝奏罷等語今  
選擇雖不用而年局仍然開載又有暗刀煞亦  
是此類皆世俗妄說應一併刪去

一通書以本年五虎元遁甲干所臨之支爲穿  
山大羅睺乙干所臨之支爲天禁朱雀二支所

夾之方爲山家困龍今時憲書惟以庚辛二千  
所臨之支爲金神並不避甲乙所有穿山大羅  
睽等名應刪去

一通書以驛馬前干爲驛馬臨官主吉又爲馬  
前六害主凶爲凶爲吉皆無義理彼此牴牾最  
爲惑人應一併刪去

一飛天獨火又名皇天灸退通書總論已言其  
無驗而年局猶載之應併刪去

一頭白空亡八山空亡卽浮天空亡八山刀砧

翎毛禁向卽坐煞向煞流財卽支退舊刻彼此  
錯謫遂致異同莫辨而並列之今查明重複應  
刪去

一通書以月厭前一辰爲章光其日忌嫁娶查  
嫁娶不將日取厭前干厭後支章光爲厭前之  
支自在不用之內則章光之名亦虛設也應刪  
去

一天願乃十二月將以四時旺干順配之正月  
乙亥二月甲戌三月乙酉四月丙申五月丁未

六月戊午七月己巳八月庚辰九月辛卯十月  
壬寅十一月癸丑十二月甲子甲乙各二者十  
干配十二支勢必重見十二月木將旺五氣順  
布而四時行且甲子干支之首十二月月之終  
有貞下起元之理故不用壬子而用甲子也今  
通書正月乙亥譌甲午四月丙申譌丙子五月  
丁未譌丁丑七月己巳譌甲寅八月庚辰譌丙  
辰十月壬寅譌戊辰十一月癸丑譌甲子十二  
月甲子譌癸未俱應改正

一通書以春酉夏子秋卯冬午爲守日春辰夏  
未秋戌冬丑爲牢日原始謂守牢以字形相近  
而誤當易守日爲牢日易牢日爲守日今按春  
辰夏未秋戌冬丑乃四時當旺之土以爲守日  
宜也春酉夏子秋卯冬午乃四時死囚之辰以  
爲牢日宜也應照原始改正

一天獄天火通書載寅午戌月子日亥卯未月  
卯日申子辰月午日巳酉丑月酉日按原始引  
李鼎祚語亥卯未月當是酉日巳酉丑月當是

卯日乃三合之對冲猶年之災煞也又原始以春木旺酉爲牢日秋金旺卯爲牢日尤與天獄名義相合至天火既以子爲寅午戌火局之天火午爲申子辰水局之天火則木必用酉金必用卯義例始得相符蓋天火者推其氣之根原故正以相反而互根卽陽根陰而陰根陽也應同天獄一併改正

一八風乃取四時對衝三合之辰以木火二干配之蓋對衝爲虛虛則生風木火所以生風也

春衝酉用丁丑丁巳日夏衝子用甲申甲辰日秋衝卯用丁亥丁未日冬衝午用甲寅甲戌日今通書丁巳譌己酉丁亥譌辛未應改正

一地囊乃四時三合卦之納甲蓋三合無土局而土旺於四季木火金水之所以生旺墓者無適非土故用當時三合卦內外兩初爻之納甲爲地囊日其一卦兩用者則再用世應二爻之納甲日春木亥卯未局爲震坤乾卦正月用震內卦初爻庚子外卦初爻庚午二月用坤內卦

初爻乙未外卦初爻癸丑三月用乾內卦初爻  
甲子外卦初爻壬午夏火寅午戌局爲離乾艮  
卦四月用離內卦初爻己卯外卦初爻己酉五  
月用乾世爻壬戌應爻甲辰六月用艮內卦初  
爻丙辰外卦初爻丙戌秋金己酉丑局爲兌艮  
巽卦七月用兌內卦初爻丁巳外卦初爻丁亥  
八月用艮世爻丙寅應爻丙申九月用巽內卦  
初爻辛丑外卦初爻辛未冬水申子辰局爲坎  
巽坤卦十月用坎內卦初爻戊寅外卦初爻戊

申十一月用巽世爻辛卯應爻辛酉十二月用  
坤世爻癸酉應爻乙卯今通書二月乙未譌癸  
未三月壬午譌甲寅四月己酉譌己丑五月譌  
戊午戊辰六月譌癸未癸巳七八月互易丁亥  
譌丁卯九月譌戊辰戊子十月譌庚戌庚子十  
一十二月闕今俱應改正

一通書安葬用庚寅壬寅丙午庚午壬午甲申  
丙申庚申壬申乙酉丁酉己酉辛酉癸酉十四  
日爲鳴吠日啓攢用丙子庚子壬子甲寅丙寅

乙卯丁卯辛卯癸卯甲午十日爲鳴吠對日相傳始自郭璞取金鷄鳴玉犬吠之義而其用日則不知所由來明原曲爲之解而不能通原始考原疑其有誤今按神煞起例以鷄爲酉犬爲戌酉爲日入之門戌爲閉物之會然葬歸於土避土日不用故不用戌而用酉星命之術卯爲命宮取東方出地之義葬埋之術酉爲命宮取西方入地之義自酉上溯至午而一陰生故鳴吠用午申酉日鳴吠對則子寅卯日也其法以

甲丙庚壬四干配午申得八日避戌土不用以乙丁巳辛癸五干配酉得五日避未土不用共十三日爲鳴吠日已爲陰土生於酉故配酉而不避也又以丙庚壬三干配子得三日避戌土不用甲配子爲純陽亦避不用以甲丙庚壬四干配寅得四日避戌不用以乙丁辛癸四干配卯得四日避巳不用共十一日爲鳴吠對日通共二十四日干支皆與通書合而自各有義例通書特悞以庚寅壬寅爲鳴吠甲午爲鳴吠對

故遂不可解耳應依起例改正

一臨日陽月取三合前辰陰月取三合後辰其義應吉歷事明原樞要經以爲居上臨下容保無疆之義皆有吉無凶而通書萬年書誤以爲凶日忌臨官視事上表陳訟於理乖謬應改爲吉日宜臨政親民上冊進表章陳詞訟

一天德月德乃上吉之日諸事皆宜今註時憲書天德日止宜修造動土月德日止宜修造動土宴樂上官諸如此類凡吉神所宜凶神所忌

欽定協紀辨方書

奏議

三五

皆多與義例不合應逐條斟酌改正

一刑衝破害在日爲最不宜之日在方亦爲最不宜之方而通書年表皆不載卽時憲書年神方位通書亦或載或不載而刀砧火血謬妄之說俱未芟除殊爲矛盾亦應增刪改正乾隆五年六月十五日交與奏事郎中張文彬等轉奏本日奉

旨大學士九卿定議具奏其翰詹科道內如有通曉算書者亦著入議欽此

大學士伯臣鄂爾泰等謹

題爲遵

旨議奏事該臣等會議得總理增修時憲算書館事務和碩莊親王等奏稱奉

旨重修選擇通書萬年書經禮部議覆應改條目交與該館詳核訂正務歸畫一可垂永久奉

旨依議欽此欽遵臣等悉心考訂務求其理而得其合正其舛悞加之解說因見其荒誕錯悞尚有出於臣進愛所奏之外而必不可不改者茲當

欽定協紀辨方書

奏議

三

奉

旨重修之時臣等又經查出自應一併釐定昔年時憲書內九宮錯悞蒙

聖祖仁皇帝特諭欽天監具題改正有例可循但事重司天議須衆允且於時憲書內多所更定大典攸關臣等謹將一切應刪應改之處與欽天監官員公同商酌另單開列恭呈

御覽伏乞

皇上睿鑒勅下大學士九卿定議施行等因具奏前



來臣等伏思選擇吉日三代以上祇論干支之剛柔絕少拘忌後世論說日多術家遞衍增設神煞本一日而吉凶頓殊本一星而名號雜出以致民間趨避無所適從現在算書館奉

旨重修選擇通書萬年書先據監臣進愛將應改條目及神煞俗論應行刪去之處奏請

勅部定議經禮部議交該館詳核訂正奉

旨依議欽此欽遵在案今和碩莊親王等奏稱悉心攷訂尚有出於臣進愛所奏之外而必不可不

欽定協紀辨方書

奏議

七

改者自應一併釐定且於時憲書內多所更定

大典攸關請

勅廷議等語臣等查和碩莊親王等開列應刪應改之處共二十八條其載在時憲書者共七條一曰五姓修宅一曰嫁娶周堂一曰太白遊方一曰長星短星一曰洗頭日一曰參背易位一曰交節日出入晝夜時刻臣等公同酌議五姓修宅見於黃帝宅經以姓音分五行修造各有宜忌歷代以來諸儒駁論甚詳然後世雖姓氏繁

多猶往往上溯得姓之始拘忌姓音以爲趨避  
嫁娶周堂太白遊方爲婚嫁擇吉之用長星短  
星宜於裁衣交易等項洗頭日宜於申酉亥子  
等日原無甚義理而載在時憲書民俗便安遵  
行已久應將莊親王等奏請刪去之處無庸議  
至於參背先後之序由於距星之不同從前用  
參中星爲距星則背在先參在後康熙年間用  
新法算書以參西第一星爲距星遂改爲參先  
背後今莊親王等奏稱宿之距星惟人所指與

算法疎密全無關礙等語夫既與算法全無關  
礙則既經康熙年間改定今亦不必更改應將  
所奏參背仍改背參之處無庸議至本條內請  
將羅喉計都依古改正之處查羅喉計都生於  
日月交行謂之天首天尾中法以天首屬羅天  
尾屬計自古而然今以西法起算由彼土占候  
後天行一日遂以羅爲尾計爲首查羅計止入  
七政書內應如所奏依古改正再七政古有四  
餘今以紫氣無憑起算遂去其一然古法具在

應請添入以備四餘之用至奏添時憲書內交  
節日出入晝夜時刻雖屬比舊精密但時憲書  
款式頒行已久亦不便增添應將所奏添入之  
處無庸議仍令刻入通書內可也其不載入時  
憲書而爲選擇通書欽天監所據以選擇者二  
十一條皆民間修方造葬趨吉避凶之用原係  
術士推行各家不同謬妄者固多譌舛者亦復  
不少其係于修方者二條曰九良星曰飛天獨  
火係于造葬者六條曰密日曰玉皇鑾駕等星

曰逆血刃等煞曰穿山大羅睺曰馬前六害曰  
頭白空亡等煞或係術士捏造或係緯書所測  
名目繁多莊親王等旣稱實不用以選擇且查  
明抵牾重複應刪之處應如所奏刪去若七聖  
日之不經神在日章光日之無謂此三條亦應  
如所奏刪去至於九醜日天願日守牢日天獄  
天火日八風日地囊日鳴吹日臨日共八條旣  
經該館查明錯譌應如所奏照善本改正又天  
德月德等吉神所宜通書未經該載刑衝破害

等凶神所忌亦未經該載及諸謬妄之說未盡  
芟除此二條係該館應辦之事應如所奏令莊  
親王等率同該館各員細心詳考編輯成書一  
併進呈

御覽恭候

欽定再通書所有神煞名目雖經刪改應仍將舊有  
名目附載卷末以示傳疑以備博攷俟

命下之日令欽天監照例辦理可也等因於乾隆五  
年七月二十五日題本月二十七日奉

欽定協紀辨方書

奏議

三

旨依議欽此

總理增修時憲算書館事務和碩莊親王臣允祿等謹  
奏臣等恭纂萬年書通書今已告竣謹將纂就萬  
年書稿本一套通書稿本五套恭呈

御覽伏候

欽定俟

命下之日欽遵原奉

諭旨辦理再通書向循俗稱理合恭請

欽定嘉名以光典策另擬書名一單仰懇

欽點爲此謹

奏等因於乾隆五年八月初七日交與奏事郎中

張文彬等轉奏本日奉

旨知道了書名著用協紀辨方書字樣欽此

欽定協紀辨方書

奏議

三



乾隆六年十二月十八日奉

旨開載諸臣職名

總理

和 碩 莊 親 王臣允祿

武英殿監理

和 碩 和 親 王臣弘晝

總裁

經筵講官刑部左侍郎臣張照

鴻臚寺卿紀錄一次臣梅穀成

欽定協紀辨方書

職名

原 任 工 部 右 侍 郎臣何國宗

協理館事欽天監監正兼佐領紀錄二次臣進 愛

纂修

協同辦理館事員外郎銜仍留欽天監右監副任臣李廷耀

刑部主事留欽天監時憲科中官正任加三級臣何國宸

工部主事留欽天監時憲科秋官正任加一級臣方 穀

欽天監時憲科春官正加三級臣何君惠

欽天監漏刻科五官挈壺正加二級臣熊 佑

欽天監漏刻科五官挈壺正紀錄二次臣劉毓圻

欽天監時憲科博士加四級臣潘汝瑛  
欽天監漏刻科博士臣齊克昌  
國子監算學教習原任福建汀州府知府臣何國棟  
提調

欽天監天文科五官靈臺郎紀錄三次臣薩哈圖  
欽天監主簿加一級紀錄一次臣毛嘉梓  
收掌

欽天監時憲科博士加一級臣祝喬齡  
欽天監臣張弘漢

欽定協紀辨方書

職名

二

欽天監時憲科博士紀錄一次臣永定  
欽天監時憲科天文生加一級臣李鏊  
欽天監時憲科天文生加一級臣白士傑  
校錄繪圖推算

欽天監天文科五官靈臺郎加三級臣陳世銓

欽天監時憲科博士加一級臣羅廷

欽天監時憲科博士加一級臣孫君德

欽天監時憲科博士紀錄一次臣鮑懷仁

欽天監時憲科博士臣王德明

欽天監天文科天文生加一級臣何國勳

欽天監天文科天文生加一級臣徐彭年

欽天監時憲科天文生加一級臣何國政

欽天監時憲科天文生臣潘從源

欽天監時憲科天文生臣何廷祿

欽天監時憲科天文生加一級臣徐文學

欽天監時憲科天文生加一級臣董又新

欽天監時憲科天文生臣程鐸

欽天監時憲科天文生臣劉必顯

欽定協紀辨方書

職名

三

欽天監時憲科天文生臣門泰

欽天監天文科天文生臣歐天瑞

欽天監時憲科天文生臣路銓

武英殿監造

內務府南苑郎中兼佐領加五級紀錄十次臣雅爾岱

內務府錢糧衙門郎中兼佐領加六級紀錄十次臣永保

內務府廣儲司郎中加一級紀錄二次臣衆神保

內務府錢糧衙門主事臣永忠

內務府廣儲司司庫加二級臣胡三格



監 監 庫 庫

造

加

一

級 臣 李 保

造 臣 鄭 桑 格

掌 臣 李 延 偉

掌 臣 胡 什 泰

欽定協紀辨方書

職名

四



欽定協紀辨方書

卷一

本原一

卷二

本原二

卷三

義例一

卷四

義例二

欽定協紀辨方書

目錄

卷五

義例三

卷六

義例四

卷七

義例五

卷八

義例六

卷九



立成

卷十

宜忌

卷十一

用事

卷十二

公規一

卷十三

公規二

欽定協紀辨方書

目錄

卷十四

年表一

卷十五

年表二

卷十六

年表三

卷十七

年表四

卷十八



年表五

卷十九

年表六

卷二十

月表一

卷二十一

月表二

卷二十二

月表三

欽定協紀辨方書

目錄

卷二十三

月表四

卷二十四

月表五

卷二十五

月表六

卷二十六

月表七

卷二十七

月表八

卷二十八

月表九

卷二十九

月表十

卷三十

月表十一

卷三十一

月表十二

欽定協紀辨方書

目錄

卷三十二

日表

卷三十三

利用一

卷三十四

利用二

卷三十五

附錄

卷三十六

辨訛

欽定協紀辨方書

目錄

五



欽定協紀辨方書卷一

本原一

朱子曰本圖書原卦畫陰陽家者流其亦衷諸此也



河圖

洛書

先天八卦次序

先天八卦方位

後天八卦次序

後天八卦方位

先天卦配河圖之象

後天卦配河圖之象

先天卦配洛書之數

後天卦配洛書之數

甲歷

十干 十二支 十二律 二十八舍

四序

六辰

欽定協紀辨方書

卷一

本原一目錄

一

十二月辟卦

十二辰二十八宿星象

二十八宿配日

五行

五行用事

五行生旺

干支五行

三合

六合

欽定協紀辨方書

卷一

本原目錄

二

五鼠遁


五虎遁

五合化氣

納音

納甲






欽定協紀辨方書

卷一

本原一河圖

三

河圖一六爲水居北二七爲火居南三八爲木居東  
 四九爲金居西五十爲土居中北方水生東方木東  
 方木生南方火南方火生中央土中央土生西方金  
 西方金生北方水此五行相生之序也



洛書戴九履一左三右七二四爲肩六八爲足五居  
 中央一六水尅二七火二七火尅四九金四九金尅  
 三八木三八木尅五中土五中土尅一六水此五行  
 相尅之序也

先天八卦次序

|   |   |   |   |   |   |   |   |
|---|---|---|---|---|---|---|---|
| 八 | 七 | 六 | 五 | 四 | 三 | 二 | 一 |
| 坤 | 艮 | 坎 | 巽 | 震 | 離 | 兌 | 乾 |
| 陰 | 太 | 陽 | 少 | 陰 | 少 | 陽 | 太 |
| 陰 |   |   |   | 陽 |   |   |   |

欽定協紀辨方書

卷一

本原一先天八卦次序

五

繫辭傳曰易有太極是生兩儀兩儀生四象四象生八卦邵子曰乾一兌二離三震四巽五坎六艮七坤八乾兌離震為陽巽坎艮坤為陰乾兌為太陽離震為少陰巽坎為少陽艮坤為太陰

先天八卦方位



欽定協紀辨方書


卷一

本原一先天八卦方位

六

說卦傳曰天地定位山澤通氣雷風相薄水火不相射八卦相錯邵子曰乾南坤北離東坎西兌居東南震居東北巽居西南艮居西北所謂先天之學也

後天八卦次序

震長男 

乾父   
坎中男 

艮少男 


巽長女 

坤母   
離中女 

兌少女 

說卦傳曰乾天也故稱乎父坤地也故稱乎母震一索而得男故謂之長男巽一索而得女故謂之長女坎再索而得男故謂之中男離再索而得女故謂之中女艮三索而得男故謂之少男兌三索而得女故謂之少女

後天八卦方位



欽定協紀辨方書


卷一

本原一後天八卦方位

八

說卦傳曰帝出乎震齊乎巽相見乎離致役乎坤說  
 言乎兌戰乎乾勞乎坎成言乎艮邵子曰乾統三男  
 於東北坤統三女於西南乾坎艮震爲陽巽離坤兌  
 爲陰

先天卦配河圖之象



欽定協紀辨方書


卷一

本原一先天卦配河圖之象

九

啓蒙附論曰圖之左方陽內陰外卽先天之震離兌  
乾陽長而陰消也其右方陰內陽外卽先天之巽坎  
艮坤陰長而陽消也蓋所以象二氣之交運也

後天卦配河圖之象



欽定協紀辨方書

卷一


本原一後天卦配河圖之象

十

啓蒙附論曰圖之一六爲水卽後天之坎位也三八爲木卽後天震巽之位也二七爲火卽後天之離位也四九爲金卽後天兌乾之位也五十爲土卽後天之坤艮周流四季而偏旺於丑未之交也蓋所以象五氣之順布也



先天卦配洛書之數



欽定協紀辨方書


卷一

本原一 先天卦配洛書之數

七

啓蒙附論曰洛書九數虛中五以配八卦陽上陰下  
 故九爲乾一爲坤因自九而逆數之震八坎七艮六  
 乾生三陽也又自一而順數之巽二離三兌四坤生  
 三陰也以八數與八卦相配而先天之位合矣  
 按術家以乾配九坤配一離配三坎配七其數奇故  
 爲陽兌配四震配八巽配二艮配六其數偶故爲陰

後天卦配洛書之數



欽定協紀辨方書

卷一

本原 後天卦配洛書之數

三

啓蒙附論曰火上水下故九爲離一爲坎火生燥土  
 故八次九而爲艮燥土生金故七次八而爲兌乾  
 水生濕土故二次一而爲坤濕土生木故三四次二  
 而爲震巽以八數與八卦相配而後天之位合矣

按邵子以文王八卦爲入用之位後天之學朱子以  
 洛書爲數之用術家飛宮弔替俱用後天配洛書其  
 法以坎一坤二震三巽四中五乾六兌七艮八離九  
 爲序劉歆曰八卦九章相爲表裏張衡曰聖人重之  
 以下筮雜之以九宮則所從來遠矣

甲歷

周禮十日之號十有二辰之號十有二月之號十有二歲之號二十有八星之號鄭元注曰日謂從甲至癸辰謂從子至亥月謂從娵至荼歲謂從攝提格至赤奮若星謂從角至軫○爾雅月陽月在甲曰畢在乙曰橘在丙曰修在丁曰圉在戊曰厲在己曰則在庚曰室在辛曰塞在壬曰終在癸曰極月名正月爲娵二月爲如三月爲寤四月爲余五月爲臯六月爲且七月爲相八月爲壯九月爲元十月爲陽十一月爲辜十二月爲涂歲陽太歲在甲曰闕逢在乙曰旃蒙在丙曰柔兆在丁曰強圉在戊曰著雍在己曰屠維在庚曰上章在辛曰重光在壬曰元默在癸曰昭陽歲名太歲在寅曰攝提格在卯曰單闕在辰曰執徐在巳曰大荒落在午曰敦牂在未曰協洽在申曰涒灘在酉曰作噩在戌曰闍茂在亥曰大淵獻在子曰困敦在丑曰赤奮若

欽定協紀辨方書

卷一

本原一甲歷

三

十干 十二支 十二律 二十八舍

蔡邕獨斷云干幹也其名有十甲乙丙丁戊己庚辛

壬癸是也支枝也其名一十有二子丑寅卯辰巳午未申酉戌亥是也○禮記月令春月其日甲乙夏月其日丙丁中央土其日戊己秋月其日庚辛冬月其日壬癸○史記律書曰七正二十八舍律歷天所以通五行八正之氣天所以成熟萬物也舍者日月所舍舍者舒氣也不周風居西北主殺生東壁居不周風東主辟生氣而東之至於營室營室者主營胎陽氣而產之東至於危危垝也言陽氣之危垝故曰危十月也律中應鐘應鐘者陽氣之應不用事也其於

十二子爲亥亥者該也言陽氣藏於下故該也廣莫風居北方廣莫者言陽氣在下陰莫陽廣大也故曰廣莫東至於虛虛者能實能虛言陽氣冬則宛藏於虛曰冬至則一陰下藏一陽上舒故曰虛東至於須女言萬物變動其所陰陽氣未相離尚相如胥也故曰須女十一月也律中黃鐘黃鐘者陽氣踵黃泉而出也其於十二子爲子子者滋也滋者言萬物滋於下也其於十母爲壬癸壬之爲言任也言陽氣任養萬物於下也癸之爲言揆也言萬物可揆度故曰癸

東至牽牛牽牛者言陽氣牽引萬物出之也牛者冒也言地雖凍能冒而生也牛者耕植種萬物也東至於建星建星者建諸生也十二月律中大呂大呂者其於十二子爲丑丑者紐也言陽氣在上未降萬物厄紐未敢出條風居東北主出萬物條之言條治萬物而出之故曰條風南至於箕箕者言萬物根棋故曰箕正月也律中泰簇泰簇者言萬物簇生也故曰泰簇其於十二子爲寅寅言萬物始生蟻然也故曰寅南至於尾言萬物始生如尾也南至於心言萬物

始生有華心也南至於房房者言萬物門戶也至於門則出矣明庶風居東方明庶者明衆物盡出也二月也律中夾鐘夾鐘者言陰陽相夾厠也其於十二子爲卯卯之爲言茂也言萬物茂也其於十母爲甲乙甲者言萬物剖符甲而出也乙者言萬物生軋軋也南至於氏氏者言萬物皆至也南至於亢亢者言萬物亢見也南至於角角者言萬物皆有枝格如角也三月也律中姑洗姑洗者言萬物洗生其於十二子爲辰辰者言萬物之娠也清明風居東南維主風

吹萬物而西之軫軫者言萬物益大而軫軫然西至於翼翼者言萬物皆有羽翼也四月也律中仲呂仲呂者言萬物盡旅而西行也其於十二子爲巳巳者言陽氣之已盡也西至於七星七星者陽數成於七故曰七星西至於張張者言萬物皆張也西至於注注者言萬物之始衰陽氣下注故曰注五月也律中蕤賓蕤賓者言陰氣幼少故曰蕤痿陽不用事故曰賓景風居南方景者言陽氣道竟故曰景風其於十二子爲午午者陰陽交故曰午其於十母爲丙丁丙

者言陽道著明故曰丙丁者言萬物之丁壯也故曰丁西至于弧弧者言萬物之吳落且就死也西至于狼狼者言萬物可度量斷萬物故曰狼涼風居西南維主地地者沈奪萬物氣也六月也律中林鐘林鐘者言萬物就死氣林林然其於十二子爲未未者言萬物皆成有滋味也北至於罰罰者言萬物氣奪可伐也北至於參參言萬物可參也故曰參七月也律中夷則夷則言陰氣之賊萬物也其於十二子爲申申者言陰用事申賊萬物故曰申北至於濁濁者觸

也言萬物皆觸死也故曰濁北至於留留者言陽氣之稽留也故曰留八月也律中南呂南呂者言陽氣之旅入藏也其於十二子爲酉酉者萬物之老也故曰西闔闔風居西方闔者倡也闔者藏也言陽氣道萬物闔黃泉也其於十母爲庚辛庚者言陰氣庚萬物故曰庚辛者言萬物之辛生故曰辛北至於胃胃者言陽氣就藏皆胃胃也北至於婁婁者呼萬物且內之也北至於奎奎者主毒螫殺萬物也奎而藏之九月也律中無射無射者陰氣盛用事陽氣無餘也

欽定協紀辨方書

卷一

本原一千十二支十二律二十八舍  
四序六辰

七

故曰無射其於十二子爲戌戌者言萬物盡滅故曰戌

### 四序

寅卯辰木 巳午未火 申酉戌金 亥子丑水

右謂之令星卽春夏秋冬五氣也


### 六辰

子寅辰午申戌爲陽 丑卯巳未酉亥爲陰

右陽從陽陰從陰六陽辰四陽卦納之六陰辰四

陰卦納之

十二月辟卦



欽定協紀辨方書

卷一

本原十二月辟卦

六

正月建寅泰卦

月令孟春鄭注曰孟春者日月會於娵訾而斗建寅之辰也正月三陽之月泰三陽之卦故以配之

二月建卯大壯卦

月令仲春鄭注曰仲春者日月會於降婁而斗建卯之辰也二月四陽之月大壯四陽之卦故以配之

三月建辰夬卦

月令季春鄭注曰季春者日月會於大梁而斗建



辰之辰也三月五陽之月夬五陽之卦故以配之  
四月建巳乾卦

月令孟夏鄭注曰孟夏者日月會於實沈而斗建  
巳之辰也四月純陽之月乾純陽之卦故以配之  
五月建午姤卦

月令仲夏鄭注曰仲夏者日月會於鶉首而斗建  
午之辰也夏至一陰始生姤一陰之卦故以配之  
六月建未遯卦

月令季夏鄭注曰季夏者日月會於鶉火而斗建  
未之辰也六月二陰之月遯二陰之卦故以配之  
七月建申否卦

月令孟秋鄭注曰孟秋者日月會於鶉尾而斗建  
申之辰也七月三陰之月否三陰之卦故以配之  
八月建酉觀卦

月令仲秋鄭注曰仲秋者日月會於壽星而斗建  
酉之辰也八月四陰之月觀四陰之卦故以配之  
九月建戌剝卦

月令季秋鄭注曰季秋者日月會於大火而斗建

戌之辰也九月五陰之月剝五陰之卦故以配之  
十月建亥坤卦

月令孟冬鄭注曰孟冬者日月會於析木而斗建  
亥之辰也十月純陰之月坤純陰之卦故以配之  
十一月建子復卦

月令仲冬鄭注曰仲冬者日月會於星紀而斗建  
子之辰也冬至一陽始生復一陽之卦故以配之  
十二月建丑臨卦

月令季冬鄭注曰季冬者日月會於元枵而斗建

欽定協紀辨方書

卷一

本原十二月卦


三

丑之辰也十二月二陽之月臨二陽之卦故以配  
之

考原曰按史記天官書曰用昏建者杓夜半建者衡  
平旦建者魁又春秋運斗極云第一天樞第二璇第  
三璣第四權第五衡第六開陽第七搖光第一至第  
四爲魁第五至第七爲杓合而爲斗如正月初昏則  
用斗杓指寅夜半則用斗衡指寅平旦則用斗魁指  
寅也其日月所會之宮謂之月將姬訾亥也降婁戌  
也大梁酉也實沈申也鶉首未也鶉火午也鶉尾巳

也壽星辰也大火卯也析木寅也星紀丑也元枵子也子日神后丑日大吉寅日功曹卯日太衝辰日天罡巳日太乙午日勝光未日小吉申日傳送酉日從魁戌日河魁亥日登明月建運天道而左旋為天關月將稟地道而右轉為地軸

十二辰二十八宿星象



蠡海集曰十二肖屬子爲陰極幽潛隱晦以鼠配之  
鼠藏迹午爲陽極顯易剛健以馬配之馬快行丑爲  
陰俯而慈愛以牛配之牛舐犢未爲陽仰而秉禮以  
羊配之羊跪乳寅爲三陽陽勝則暴以虎配之虎性  
暴申爲三陰陰勝則黠以猴配之猴性黠卯酉爲日  
月之門二肖皆一竅兔舐雄毛則孕感而不交也雞  
合踏而無形交而不感也辰巳陽起而變化龍爲盛  
蛇次之故龍蛇配辰巳龍蛇者變化之物也戌亥陰  
斂而持守狗爲盛猪次之故狗猪配戌亥狗猪者鎮

欽定協紀辨方書

卷一

本原一十二辰二十八宿星象

三

靜之物也或云皆取不全之物配肖屬者非也庶物  
萬類豈特十二哉况無義理不足信也明矣

考原曰十二辰禽象子鼠丑牛寅虎卯兔辰龍巳蛇  
午馬未羊申猴酉雞戌狗亥猪其說相沿已久莫知  
其所自來雖於經典無見然以傳記子史考之則不  
獨宋以後也如韓愈毛穎傳謂食於卯地祭張員外  
文謂虎取而去來寅其徵則唐時有之矣管輅傳推  
東方朔龍蛇之占以爲變化相推會於辰巳又譙周  
謂司馬爲典午則漢晉時有之矣遡而上之陳敬仲

菴者言當昌於姜姓之國而釋春秋謂觀之六四納得辛未辛爲巽長女未爲羊羊加女爲姜則是周時又已有之也至於二十八宿禽象則近代方有之意者因十二辰所取而附會其說耳何則十二辰以子午卯酉爲四中宮故一宮各筦三象子宮女虛危虛星居中故爲鼠之本象女爲蝠危爲燕則取其似鼠者以配之也卯宮氏房心房星居中故爲兔之本象氏爲貉心爲狐則取其似兔者以配之也午宮柳星張星居中故爲馬之本象柳爲樟張爲鹿則取其似

馬者以配之也酉宮胃昂畢昂星居中故爲雞之本象胃爲雉畢爲烏則取其似雞者以配之也其餘寅申巳亥辰戌丑未八宮則各筦兩象而以近中宮者爲主辰宮亢近中宮故爲龍之本象角居其旁則取蛟爲龍之類以配之寅宮尾近中宮故爲虎之本象箕居其旁則取豹爲虎之類以配之丑宮牛近中宮故爲牛之本象斗居其旁則取獬爲牛之類以配之亥宮室近中宮故爲猪之本象壁居其旁則取獮爲猪之類以配之戌宮婁近中宮故爲狗之本象奎居

其旁則取狼爲狗之類以配之申宮觜近中宮故爲  
猴之本象參居其旁則取猿爲猴之類以配之未宮  
鬼近中宮故爲羊之本象井居其旁則取犴爲羊之  
類以配之巳宮翼近中宮故爲蛇之本象軫居其旁  
則取蚓爲蛇之類以配之也

### 二十八宿配日

考原云日有六十宿有二十八四宿二十日而一週  
四百二十者以六十與二十八俱可以度盡也故有  
七元之說一元甲子日起虛以子象鼠而虛爲日鼠

欽定協紀辨方書

卷一

本原二十八宿配日

五

也二元甲子起奎三元甲子起畢四元甲子起鬼五  
元甲子起翼六元甲子起氐七元甲子起箕至七元  
盡而甲子又起虛周而復始但一元起於何年月日  
則不可得而考矣今按日月五星運行二十八舍遲  
速不齊躔次各別交錯參差遲留伏逆縱使推之歷  
始必有甲子年月日時日在虛月在危五星以次居  
宰壁奎婁胃者然少選月卽過其度矣且安得又從  
昴至鬼復順次而列之哉以不齊之天行按一定之  
星舍乃萬無之理也七政安得與二十八宿相配耶

徧閱羣書莫可考究及見西域吉凶時日善惡宿曜  
經乃得其說蓋彼國不知十干十二支之名而用二  
十八宿以紀日其七政加二十八宿猶干之加於支  
非謂七政之果躔于此宿也又其術以人之生日所  
逢何曜何宿爲本命謂之命宿而以加於行事所逢  
曜宿參伍攷之以命凶吉又以宿曜性情合所爲之  
事之剛柔健順以定從違亦有似於中國之建除星  
命家言者其宿曜之名虛昴星房屬日危畢張心屬  
月室觜翼尾屬火壁參軫箕屬水奎井角斗屬木婁

欽定協紀辨方書

卷一

本原二十八宿配日

三

鬼亢牛屬金胃柳氏女屬土則各從其國語假如日  
曜太陽在回鶻則曰蜜在波斯則曰曜森勿在天竺  
則曰阿你底耶重譯之卽中國之日也其他皆倣此  
七元周而復始恰與此相符其書又謂中國西天諸  
國此法並所通行今按歷家每歲鋪注于六十甲子  
載在時憲書而無所用神煞中惟伏斷暗金二者從  
此起例其他並不關涉然外域旣以此紀年則歷家  
存此可使絕域殊方同曉某日是何甲子甚爲有益  
良不可廢也

五行

六經論五行者始見於尚書洪範曰一五行一曰水二曰火三曰木四曰金五曰土大禹謨曰水火金木土穀惟修其源起於河圖洛書之數蓋圖書之一六水也二七火也三八木也四九金也五十土也在圖則左旋而相生在書則右轉而相克也然土於圖書爲五十中宮之數無定位無專體者也惟呂氏春秋則以土直季夏之月以順相生之序白虎通又以土直辰戌丑未之四季而分旺於四時文王後天圖象

欽定協紀辨方書

卷一

本原一五行

三

坤艮二土獨居夏秋冬春之交則以火必得土而後能成金水必得土而後能生木也今按行也者言其行於地者也質行於地而氣通於天數之有五焉故曰五行也地者土也以其對天言之則曰地以其質言之固土也土之爲四行君也固也君則不專其司不居其部是故以火之克金而秋乃承夏令也則謂既有四方必有中央而中央固土也可以嗣火之老而生金也以春夏秋冬夏之遞嬗四行轉多而土轉少也則謂季月必辰戌丑未而辰戌丑未固土也減十



二日以與本令餘十八日爲土王用事則各七十二日也坤艮二土居四氣之交爲土之真體則後天圖象明之乾巽二方據魁罡之戶示土之神用則素問運氣詳之土之君乎四行也審矣然此猶皆爲有象可示者也若其無象可示者則寅申巳亥子午卯酉實無一之離乎土焉何也非土則水火金木不能以行其能以行者皆土也

五行用事



神樞經曰五行旺各有時惟土居無所定乃於四立之前各旺一十八日○歷例曰立春木立夏火立秋金立冬水各旺七十二日土於四立之前各旺一十八日合之亦為七十二日總三百有六十而歲成矣


欽定協紀辨方書

卷一

本原一五行用事

完

五行生旺



考原曰木長生於亥火長生於寅金長生於巳水長生於申土亦長生於申寄生於寅各由長生沐浴冠帶臨官帝旺衰病死墓絕胎養順歷十二辰蓋天道循環生生不已故木方旺而火已生火方旺而金已生金方旺而水已生水方旺而木已生由長生而順推穉則必壯盛則必衰終而復始迭運不窮此四時之所以錯行五氣之所以順布也至於土生於申而寄生於寅則後天坤艮之位故易於坤曰萬物皆致養焉於艮曰萬物之所成終而所成始也

按五行長生之義考原之說甚明而土之生於寅申則引而未發由今考之水土之同生於申也申爲坤坤爲地水土所以凝也土之寄生於寅也寅爲孟春孟春之月天氣下降地氣上騰天地所以和同草木所以萌動也是故洪範家獨以土生於申爲五行之體陰陽選擇諸家皆以土生於寅爲五行之用蓋長生在寅則臨官在巳乃爲土旺金生與木火水同爲一例然則以土爲生於寅者所以順五行相生之序固與月令土旺於夏秋之交以順四時相生之序者

同出於理之自然而非為臆說也此外又有陽死陰生陽順陰逆之說甲木死於午則乙木生焉丙戌死於酉則丁己生焉庚金死於子則辛金生焉壬水死於卯則癸水生焉由長生而沐浴十二位皆逆轉陽死則陰生陰死則陽生此二氣之分也陽臨官則陰帝旺陰臨官則陽帝旺此四時之會也順逆分合俱極妙理論十干則分陰陽論五行則陽統陰尤天地自然之義故凡言數者皆祖之此吉凶神煞所由起也


干支五行

欽定協紀辨方書

卷一

本原一五行生旺

三




欽定協紀辨方書

卷一

本原一千支五行

三



天干則甲乙屬木丙丁屬火戊己屬土庚辛屬金壬癸屬水地支則寅卯辰屬木配東方也巳午未屬火配南方也申酉戌屬金配西方也亥子丑屬水配北方也而土寄旺於辰戌丑未之間配四季也五星家又以寅亥屬木卯戌屬火辰酉屬金子丑屬土而午則爲日未則爲月者則以子丑在下故爲土午未在上故爲日爲月寅卯辰巳申酉戌亥分布左右則如四時之流行於天地之間故以其左右之合宮而別爲木火金水之序也

右皆考原所載今具錄之其言五星五行則引而未發蓋天者日也月也星者日月之餘也午未者離子丑者坎離爲日坎爲月午之爲日是己子之不爲月者何月者水之精懸乎上而受日之光者非北方子之位也子丑之氣衝乎上而與日並其方固必在未也地者水也土也子水丑土丑又比水之土其爲地之體無可疑也地土也故子丑爲土也天位乎上地位乎下行乎兩間者必木火金水矣子丑爲水土水土之際木必生焉所以亥寅爲木一長生一祿位也

木成而火已出矣寅火長生也卯木旺也旺則必殖  
殖則必歸其根故卯戌爲火也卯戌爲火則戌爲齡  
天之氣戌之所居齡天之氣始於辰辰亦戌也土旺  
必生金故辰酉爲金酉者金之帝也酉居金旺之極  
於其未至於極而水已生於申對宮爲巳巳金之母  
也水必以申巳者申巳逼於午未最高之地無水也  
舉母則子歸水不得舍土而自立其麗於土者卽子  
丑之位土之所攝命爲土而不命爲水若其離土而  
言水必納於母氣故申巳爲水也水爲生物之源是  
以麗乎日月其次則金其次則火其次則木其次則  
土五緯之序水最近日金次之火又次之木又次之  
土又次之此麗乎天者之自然之序也水土所生者  
木上生而爲火土又上生而爲金又上生而爲水如  
畫卦之由下而上也此行乎地者之自然之序也然  
則五星五行具有實理而非人所能強爲也



欽定協紀辨方書

卷一

本原三合

書

申子辰合水局亥卯未合木局寅午戌合火局巳酉丑合金局○考原曰三合者取生旺墓三者以合局也水生於申旺於子墓於辰故申子辰合水局也木生於亥旺於卯墓於未故亥卯未合木局也火生於寅旺於午墓於戌故寅午戌合火局也金生於巳旺於酉墓於丑故巳酉丑合金局也

今按淮南子云木生於亥壯於卯死於未三辰皆木也火生於寅壯於午死於戌三辰皆火也土生於午壯於戌死於寅三辰皆土也金生於巳旺於酉死於




丑三辰皆金也水生於申壯於子死於辰三辰皆水也故五勝生一壯五終九五九四十五故神四十五日而一徙以三應五故八徙而歲終由今考之陰陽家言三合者唯水火木金而已不及於土也然言陰陽之書淮南子亦可為古矣所為三合之說未必不始於是書而土之三合則不傳於世者何歟且世所言土之長生等十二位與火無異而淮南子則謂生午壯戌死寅亦他書所無有也今附載於此以備一義

欽定協紀辨方書

卷一 本原一三合

六合


三



子與丑合寅與亥合卯與戌合辰與酉合巳與申合  
午與未合○蠡海集曰陰陽家地支六合者日月會  
於子則斗建丑日月會於丑則斗建子故子與丑合  
日月會於寅則斗建亥日月會於亥則斗建寅故寅  
與亥合日月會於卯則斗建戌日月會於戌則斗建  
卯故卯與戌合日月會於辰則斗建酉日月會於酉  
則斗建辰故辰與酉合日月會於巳則斗建申日月  
會於申則斗建巳故巳與申合日月會於午則斗建  
未日月會於未則斗建午故午與未合○考原曰六  
合者以月建與月將爲相合也如正月建寅月將在  
亥故寅與亥合二月建卯月將在戌故卯與戌合也  
月建左旋月將右轉順逆相值故爲六合

按月將卽是日月無光受日之光月行與日合而成  
歲紀則是日者月之將也故日月將非別有神從日  
而右轉者也其躔次亥曰娵訾戌曰降婁酉曰大梁  
申曰實沈未曰鶉首午曰鶉火巳曰鶉尾辰曰壽星  
卯曰大火寅曰析木丑曰星紀子曰元枵春秋左氏  
傳已有其說至今用之其躔度過宮具載公規

五鼠遁



欽定協紀辨方書

卷一

本原一五鼠遁

三

甲己日起甲子時乙庚日起丙子時丙辛日起戊子  
 時丁壬日起庚子時戊癸日起壬子時○考原曰甲  
 子日起甲子時從甲子順數至次日子時得丙子故  
 乙日起丙子從甲至己越五日共六十時花申周而  
 復始故己日子時亦為甲子也



欽定協紀辨方書

卷一


本原一五虎遁

三

甲巳年正月起丙寅乙庚年正月起戊寅丙辛年正月起庚寅丁壬年正月起壬寅戊癸年正月起甲寅

○考原曰上古歷元年月日時皆起於甲子是甲子年必甲子月為年前冬至十一月也而正月建寅故得丙寅二月丁卯以次順數至次年正月得戊寅故乙年正月起戊寅從甲至己越五年共六十月花甲周而復始故己年正月亦為丙寅也

五合化氣



欽定協紀辨方書

卷一

本原一五合化氣

三

甲與己合乙與庚合丙與辛合丁與壬合戊與癸合  
 甲己化土乙庚化金丙辛化水丁壬化木戊癸化火  
 ○考原曰五合者卽五位相得而各有合也河圖一  
 與六二與七三與八四與九五與十皆各有合以十  
 干之次言之 一爲甲六爲己故甲與己合二爲乙七  
 爲庚故乙與庚合三爲丙八爲辛故丙與辛合四爲  
 丁九爲壬故丁與壬合五爲戊十爲癸故戊與癸合  
 又年起月日起時越五則花甲周而復始而月時同  
 干亦卽五合之義

按化氣之理沈括據黃帝素問論之最明素問有五  
運六氣所謂五運者甲己爲土運乙庚爲金運丙辛  
爲水運丁壬爲木運戊癸爲火運也黃帝問岐伯五  
運之所始岐伯引太始天元冊文曰始于戊己之分  
所謂戊己分者奎壁角軫也奎壁角軫天地之門戶  
也王冰注引遁甲六戊爲天門六己爲地戶天門在  
戌亥之間奎壁之分地戶在辰巳之間角軫之分陰  
陽皆始于辰五運起于角軫者亦始于辰也甲己之  
歲戊己齡天之氣經于角軫角屬辰軫屬巳其歲得

戊辰己巳干皆土故爲土運乙庚之歲庚辛素天之  
氣經于角軫其歲得庚辰辛巳干皆金故爲金運丙  
辛之歲壬癸元天之氣經于角軫其歲得壬辰癸巳  
干皆水故爲水運丁壬之歲甲乙蒼天之氣經于角  
軫其歲得甲辰乙巳干皆木故爲木運戊癸之歲丙  
丁丹天之氣經于角軫其歲得丙辰丁巳干皆火故  
爲火運運臨角軫則氣在奎壁氣與運常司天地之  
門戶戊己在角軫則甲乙在奎壁甲己歲必甲戌乙  
亥也故素問曰土位之下風氣承之庚辛在角軫則

丙丁在奎壁乙庚歲必丙戌丁亥也故曰金位之下  
火氣承之壬癸在角軫則戊己在奎壁丙辛歲必戊  
戌己亥也故曰水位之下土氣承之甲乙在角軫則  
庚辛在奎壁丁壬歲必庚戌辛亥也故曰風位之下  
金氣承之丙丁在角軫則壬癸在奎壁戊癸歲必壬  
戌癸亥也故曰相火之下水氣承之五行家以戊寄  
於己己寄於午六壬家以戊寄於己己寄於未惟素  
問以戊寄於戌己寄於辰遁甲以六戊爲天門六己  
爲地戶與素問同水土相隨水金子也陽土故居金  
行之末以爲亥始水木母也己金祖也陰土故居水  
行之墓以爲巳始故曰天地之門戶而萬物所從出  
星家有逢龍則化之說亦本於此此十干化氣之源  
也

### 納音

沈括曰六十甲子有納音鮮原其意蓋六十律旋相  
爲宮法也一律含五音十二律納六十音也凡氣始  
於東方而右行音起於西方而左行陰陽相錯而生  
變化所謂氣始於東方者四時始於木右行傳於火

火傳於土土傳於金金傳於水所謂音始於西方者

五音始於金左旋傳于火火傳于木木傳于水水傳

於土納音與易納甲同法乾納甲而坤納癸始於乾而終於坤納音始於金金乾也終於土土坤也

納音之法同類娶妻隔八生子此律呂相生之法也

五行先仲而後孟孟而後季此遁甲三元之紀也甲

子金之仲黃鐘之商同位娶乙丑大呂之商同位謂甲與乙丙與丁之類下皆倣此

隔八下生壬申金之孟夷則之商隔八謂大呂壬下生夷則也下皆倣此

申同位娶癸酉南呂之商隔八上生庚辰金之季姑洗之商此金

三元終若只以陽辰言之則依遁甲順傳仲孟季若兼妻言之則逆傳孟仲季也庚辰同位

欽定協紀辨方書 卷一 本原一納音 星

娶辛巳仲呂之商隔八下生戊子火之仲黃鐘之徵金三元終則左行傳

南方火也 戊子娶己丑大呂之徵生丙申火之孟夷則之徵丙申娶

丁酉南呂之徵生甲辰火之季姑洗之徵甲辰娶乙巳仲呂之徵生

壬子木之仲黃鐘之角火三元終則左行傳于東方木如是左行至於丁

巳仲呂之宮五音一終復自甲午金之仲娶乙未隔

八生壬寅一如甲子之法終於癸亥謂蕤賓娶林鐘上生太簇之類

子至於巳為陽故自黃鐘至於仲呂皆下生自午至

於亥為陰故自林鐘至於應鐘皆上生

蠡海集曰萬物之所為以生者必由氣氣者何金也



金受氣順行則爲五行之體逆行則爲五行之用順行爲五行之體者金生水水生木木生火火生土冬至起歷之元自冬而春春而夏夏而長夏長夏而歸於秋返本歸原而收斂也逆行爲五行之用者金出鑛而從革於火以成材成材則爲有生之用然火非木不生必循木以繼之木必依水以滋榮水必托土以止畜故木而水水而土是則四行之類土以定位故大撓作甲子分配五行爲納音蓋金能受聲而宣氣故也法曰甲娶乙妻隔八生子子生孫而後行繼


代其位初一曰金金爲氣居先甲子爲受氣之始甲娶乙妻隔八壬申是爲子矣壬娶癸妻隔八庚辰是爲孫矣庚娶辛妻隔八戊子火代其位次二曰火戊繼其後戊娶己妻隔八丙申是爲子矣丙娶丁妻隔八甲辰是爲孫矣甲娶乙妻隔八壬子木代其位次三曰木壬繼其後壬娶癸妻隔八庚申是爲子矣庚娶辛妻隔八戊辰是爲孫矣戊娶己妻隔八丙子水代其位次四曰水丙繼其後丙娶丁妻隔八甲申是爲子矣甲娶乙妻隔八壬辰是爲孫矣壬娶癸妻隔

八庚子土代其位次五曰土庚娶辛妻隔八戊申是爲子矣戊娶己妻隔八丙辰是爲孫矣丙娶丁妻隔八甲子金復代其位甲午乙未起如前法是故有五子歸庚之說道家者流取其義用配五方之位自子千頭數至庚字則爲其數甲子金自甲數至七逢庚則西方金得七氣戊子火自戊數至三逢庚則南方火得三氣壬子木自壬數至九逢庚則東方木得九氣丙子水自丙數至五逢庚則北方水得五氣庚子土則自得一爲中方一氣是爲五子歸庚也乃知金

者受氣之先順行則爲五行之體逆行則爲五行之用故六十甲子納音者以充萬物之用

考原曰五行以氣始形終爲次則洪範之水火木金土是也以播於四時相生爲次則月令之木火土金水是也以飭庀五材相尅爲次則禹謨之水火金木土是也納音五行始金次火次木次水次土旣非本其始終又無取於生尅故說者莫知其所自來詳考其義蓋亦祖述易象之意卽先後天卦之理也各爲圖以明之

納音五行應先天圖



欽定協紀辨方書


卷一

本原一納音

壘

先天之圖乾兌居首屬金次以離屬火又次震巽屬木又次以坎屬水終於艮坤屬土故始於金終於土者乾始坤成之義也金取於天之剛土取於地之柔火附於天水附於地而木以生氣居中此納音所本於先天之序也

納音五行應後天圖




欽定協紀辨方書

卷一 本原一納音

吳

後天之圖亦以乾居首而逆轉自乾兌之金旺於西方次轉而為離火旺於南方次又轉而為震巽之木旺於東方次又轉而為坎水旺於北方而土旺於四季故退艮坤以居終焉此納音所本於後天之序也

納音五行分三元應樂律隔八相生圖



欽定協紀辨方書

卷一

本原一納音

學

右圖以甲子乙丑爲金上元壬申癸酉爲金中元庚辰辛巳爲金下元三元俱周則傳於戊子己丑爲火上元丙申丁酉爲火中元甲辰乙巳爲火下元自此以後皆依前圖金火木水土之次而用樂律同位娶妻隔八生子之法以終於丁巳而納音小成矣又自甲午乙未爲金上元起如前法以終於丁亥而納音大成矣

按十干十二支相錯爲六十五音十二律相乘亦爲六十甲子金而乙丑亦爲金者同位娶妻也乙丑金

而壬申又爲金者隔八生子也一行各三元而後傳於次行猶春有孟仲季三月而後傳於夏也自甲子至丁巳而五行之三元一周猶易之三畫爲小成也自甲午至丁亥而五行之三元又一周猶易之六畫爲大成也其立法皆與律呂相應

納音干支起數合五行

甲巳子午九乙庚丑未八丙辛寅申七丁壬卯酉六戊癸辰戌五巳亥屬四數

蠡海集云或問曰先天之數何緣而起余答曰數極

欽定協紀辨方書

卷一

本原一納音

一

於九自九逆退取之故甲巳子午九乙庚丑未八丙辛寅申七丁壬卯酉六戊癸辰戌五天干已盡而地支獨遺巳亥是以巳亥得四終焉况夫亥爲天門巳爲地戶純陽之位爲開闔之樞所以關鍵五行也

瑞桂堂暇錄曰六十甲子之納音以金木水火土之音而明之也一六爲水二七爲火三八爲木四九爲金五十爲土然五行之中惟金木有自然之音水火土必相假而後成音蓋水假土火假水土假火故金音四九木音三八水音五十火音一六土音二七此

不易之論也何以言之甲己子午九也乙庚丑未八也丙辛寅申七也丁壬卯酉六也戊癸辰戌五也巳亥四也甲子乙丑其數三十有四四者金之音也故曰金戊辰己巳其數二十有三三者木之音也故曰木庚午辛未其數三十有二二者火也土以火爲音故曰土甲申乙酉其數三十者土也水以土爲音故曰水戊子己丑其數三十有一一者水也火以水爲音故曰火凡六十甲子莫不皆然此納音之所由起也

考原曰此揚子雲太元論聲律所紀數也凡兩千兩支之合其餘數得四九者爲金得一六者爲火得三八者爲木得五十者爲水得二七者爲土如甲子皆九得數十八乙丑皆八得數十六合之三十有四故爲金壬六申七得數十三癸五酉六得數十一合之二十有四故亦爲金也其餘按數推之莫不皆然但所配一六二七等數與河圖之數不同今按大衍之數五十其用四十有九以兩千兩支之合數於四十九內減之餘數滿十去之餘一六爲水二七爲火三

八爲木四九爲金五十爲土各取所生之五行以爲  
納音如是則與河圖相同又揲著之法用餘策以定  
奇偶此用餘數以定五行其理正相合也如甲九子  
九乙八丑八其餘合數三十四於四十九內減之餘十  
五十不用餘五屬土土生金故曰金丙寅丁卯共合  
數二十六於四十九內減之餘二十三不用餘三  
屬木木生火故曰火戊辰己巳共合數二十三於四  
十九內減之餘二十六不用餘六屬水水生木故  
曰木庚午辛未共合數三十二於四十九內減之餘

欽定協紀辨方書

卷一

本原一納音

五

十七不用餘七屬火火生土故曰土餘做此

按揚雄太元經曰子午之數九丑未八寅申七卯酉  
六辰戌五巳亥四故律四十二呂三十六并律呂之  
數或還或否凡七十有八黃鐘之數立焉其以爲度  
也皆生黃鐘又曰甲己之數九乙庚八丙辛七丁壬  
六戊癸五聲生於日律生於辰聲以情質律以和聲  
聲律相協而八音生歷代以來宗之謂之先天之數  
顧其甲己子午之何以九乙庚丑未之何以八則罕  
有確論焉今按子午者乾震之所納也丑未者坤巽



之所納也寅申者坎所納也卯酉者離所納也辰戌者艮所納也已亥者兌所納也陽數極於九陰數極於八故乾坤得之震巽長而統於父母其餘以次而降兩大六子男女長少之序秩然不紊實非人之能強爲也若夫十日之序則又各隨化氣壽夭之數而亦無一毫造作於其間甲己土也土終古不毀卽析爲微塵蕩爲鄰虛而其質固在也爲最壽故數九其次則金雖火鑠之亦有質灰氣散之時而堅固爲萬物王也乙庚金也故次甲己也又次則水日炙風銷

而火煎烹之亦有乾盡之時而無自然銷滅之期雖其堅固不若金而其柔弱轉能久壽而物莫若也丙辛水也故次乙庚也又次則木一歲之中榮落有定期也丁壬木也故次丙辛也又次則火一晝夜間顯晦有定期也戊癸火也故次丁壬也且甲己土生乙庚金乙庚金生丙辛水丙辛水生丁壬木丁壬木生戊癸火層累而下之又自然而然之數也然則無十無一二三何也曰數終於九十卽一也若夫一二三乃天地人之大數不得偏寄於一日一辰之間者也

且言九八七六五四則一二三在其中也故黃鐘八十一十二辰止得七十八而揚子曰黃鐘之數立焉蓋已虛函三數而成八十一也

五行五音

|   |    |      |      |      |
|---|----|------|------|------|
| 宮 | 屬土 | 甲子乙丑 | 壬申癸酉 | 庚辰辛巳 |
| 商 | 屬金 | 甲午乙未 | 壬寅癸卯 | 庚戌辛亥 |
| 角 | 屬木 | 丙子丁丑 | 甲申乙酉 | 壬辰癸巳 |
| 徵 | 屬火 | 丙午丁未 | 甲寅乙卯 | 壬戌癸亥 |
| 羽 | 屬水 | 戊子己丑 | 丙申丁酉 | 甲辰乙巳 |
|   |    | 戊午己未 | 丙寅丁卯 | 甲戌乙亥 |
|   |    | 庚子辛丑 | 戊申己酉 | 丙辰丁巳 |
|   |    | 庚午辛未 | 戊寅己卯 | 丙戌丁亥 |
|   |    | 壬子癸丑 | 庚申辛酉 | 戊辰己巳 |
|   |    | 壬午癸未 | 庚寅辛卯 | 戊戌己亥 |

欽定協紀辨方書

卷一 本原一納音

五

朱子曰樂聲是土金木水火水洪範是水火木金土蓋納音者以干支分配於五音而本音所生之五行卽爲其干支所納之音也初一宮商角徵羽納甲丙戊庚壬係以五子而隨以五丑宮得甲子商得丙子角得戊子徵得庚子羽得壬子宫爲土土生金故甲子乙丑納音金商爲金金生水故丙子丁丑納音水角爲木木生火故戊子己丑納音火徵爲火火生土故庚子辛丑納音土羽爲水水生木故壬子癸丑納音木次二商角徵羽宮納甲丙戊庚壬係以五寅而隨

以五卯商金得甲寅乙卯納音水角木得丙寅丁卯  
納音火徵火得戊寅己卯納音土羽水得庚寅辛卯  
納音木宮土得壬寅癸卯納音金次三角徵羽宮商  
納甲丙戌庚壬係以五辰而隨以五巳角木得甲辰  
乙巳納音火徵火得丙辰丁巳納音土羽水得戊辰  
己巳納音木宮土得庚辰辛巳納音金商金得壬辰  
癸巳納音水以上六甲得其半納音小成次四後以  
宮商角徵羽納甲丙戌庚壬係以五午而隨以五未  
宮土得甲午乙未納音金商金得丙午丁未納音水  
角木得戊午己未納音火徵火得庚午辛未納音土  
羽水得壬午癸未納音木次五後以商角徵羽宮納  
甲丙戌庚壬係以五申而隨以五酉商金得甲申乙  
酉納音水角木得丙申丁酉納音火徵火得戊申己  
酉納音土羽水得庚申辛酉納音木宮土得壬申癸  
酉納音金次六後以角徵羽宮商納甲丙戌庚壬係  
以五戌而隨以五亥角木得甲戌乙亥納音火徵火  
得丙戌丁亥納音土羽水得戊戌己亥納音木宮土  
得庚戌辛亥納音金商金得壬戌癸亥納音水於是

六甲全而納音大成矣陽生於子自甲子以至癸巳陰生於午自甲午以至癸亥故三十而後從宮起宮君商臣角民皆人道也故皆可以爲首徵事羽物皆人所用也故不可以爲首是以三甲終而後始於宮干爲天支爲地音爲人三才之五行備矣

陶宗儀曰甲子乙丑海中金者子屬水又爲湖又爲水旺之地兼金死於子墓於丑水旺而金死墓故曰海中金也丙寅丁卯鑪中火者寅爲三陽卯爲四陽火既得地又得寅卯之木以生之此時天地開鑪萬

物始生故曰鑪中火也戊辰己巳大林木者辰爲原野巳爲六陽木至六陽則枝榮葉茂以茂盛之木而在原野之間故曰大林木也庚午辛未路傍土者未中之木而生午位之旺火火旺則土焦未能育物猶路傍土若也故曰路傍土也壬申癸酉劍鋒金者申酉金之正位兼臨官申帝旺酉金既生旺則成剛矣剛則無踰於劍鋒故曰劍鋒金也甲戌乙亥山頭火者戌亥爲天門火照天門其光至高故曰山頭火也丙子丁丑澗下水者水旺於子衰於丑旺而反衰則

不能爲江河故曰澗下水也戊寅己卯城頭土者天干戊己屬土寅爲艮山土積而爲山故曰城頭土也庚辰辛巳白鐵金者金養於辰生於巳形質初成未能堅利故曰白鐵金也壬午癸未楊柳木者木死於午墓於未木旣死墓雖得天干壬癸之水以生之終是柔弱故曰楊柳木也甲申乙酉井泉水者金臨官申帝旺酉金旣生旺則水由以生然方生之際力量未洪故曰井泉水也丙戌丁亥屋上土者丙丁屬火戌亥爲天門火旣炎上則土非在下而生故曰屋上土也戊子己丑霹靂火者丑屬土子屬水水居正位而納音乃火水中之火非龍神則無故曰霹靂火也庚寅辛卯松栢木者木臨官寅帝旺卯木旣生旺則非柔弱之比故曰松栢木也壬辰癸巳長流水者辰爲水庫巳爲金長生之地金生水則水性已存以庫水而逢生金則泉源終不竭故曰長流水也甲午乙未砂石金者午爲火旺之地火旺則金敗未爲火衰之地火衰則金冠帶敗而方冠帶未能盛滿故曰砂石金也丙申丁酉山下火者申爲地戶酉爲日入之門

日至此時而藏光故曰山下火也戊戌己亥平地木者戌爲原野亥爲木生之地夫木生於原野則非一根一株之比故曰平地木也庚子辛丑壁上土者丑雖土家正位而子則水旺之地土見水多則爲泥也故曰壁上土也壬寅癸卯金箔金者寅卯爲木旺之地木旺則金羸又金絕於寅胎於卯金旣無力故曰金箔金也甲辰乙巳覆燈火者辰爲食時巳爲禺中日之將中艷陽之勢光於天下故曰覆燈火也丙午丁未天河水者丙丁屬火午爲火旺之地而納音乃

水水自火出非銀漢不能有也故曰天河水也戊申己酉大驛土者申爲坤坤爲地酉爲兌兌爲澤戊己之土加於坤澤之上非其他浮薄之土也故曰大驛土也庚戌辛亥釵釧金者金至戌而衰至亥而病金旣衰病則誠柔矣故曰釵釧金也壬子癸丑桑柘木者子屬水丑屬金水方生木金則伐之猶桑柘木也甲寅乙卯大溪水者寅爲東北維卯爲正東水流正東則其性順而川澗池沼俱合而歸故曰大溪水也丙辰丁巳沙中土者土庫辰絕巳而天干丙丁之火

至辰冠帶巳臨官土既庫絕旺火復與生之故曰沙  
中土也戊午己未天上火者午爲火旺之地未中之  
木又復生之火性炎上又逢生地故曰天上火也庚  
申辛酉石榴木者申爲七月酉爲八月此時木則絕  
矣惟石榴之木反結實故曰石榴木也壬戌癸亥大  
海水者水冠帶戌臨官亥水臨官冠帶則力厚矣兼  
亥爲江非他水之比故曰大海水也

納甲

蠡海集云納甲之說自甲爲一至壬爲九陽數之始

欽定協紀辨方書

卷一

本原一納甲

五

終也故歸乾易順數也乙爲二至癸爲十陰數之始  
終也故歸坤易逆數也乾一索而得男爲震坤一索  
而得女爲巽故庚入震辛入巽乾再索而得男爲坎  
坤再索而得女爲離故戊趨坎己趨離乾三索而得  
男爲艮坤三索而得女爲兌故丙從艮丁從兌陽生  
於北而成於南故乾始甲子而中以壬午陰生於南  
而成於北故坤始乙未而終以癸丑震巽一索也故  
庚辛始於子丑坎離再索也故戊己始於寅卯艮兌  
三索也故丙丁始於辰巳也又一說乾坤者二氣之

正位也坎離者二氣之交互也正位則始終全備故  
 甲壬歸乾乙癸歸坤交互則往來處中故戊歸坎己  
 歸離震巽乃受氣之始故庚辛歸焉艮兌乃生化之  
 終故丙丁歸焉乾坤位陰陽之極故子午丑未配於  
 甲壬乙癸父母總攝內外之義震巽長男長女爲初  
 索是以子丑配庚辛坎離中男中女爲再索是以寅  
 卯配戊己艮兌少男少女爲三索是以辰巳配丙丁  
 納之爲言受也容受六甲於八卦中也易者逆也數  
 皆以逆而推之

欽定協紀辨方書

卷一

本原一納甲

五

納甲直圖

壬  
  
 乾

艮  
  
 丙

坎  
  
 戊

震  
  
 庚

坤  
  
 癸

兌  
  
 丁

離  
  
 己

巽  
  
 辛



考原曰乾納甲壬坤納乙癸乾坤包括始終之義也其餘六卦則自下而上法畫卦者之自下而上也震巽陰陽起於下故震納庚巽納辛坎離陰陽交於中故坎納戊離納己艮兌陰陽極於上故艮納丙兌納丁甲丙戊庚壬爲陽干皆納陽卦乙丁己辛癸爲陰干皆納陰卦

欽定協紀辨方書

卷一

本原一納甲

堯

納甲圓圖



考原曰此以六卦應月候而坎離爲日月之本體居中不用震直生明者一陽始生又生明之時以初昏候之月見庚方也兌直上弦者二陽浸盛又上弦之時以初昏候之月見丁方也乾直望者三陽盛滿又望時以初昏候之月見甲方也巽直生魄則一陰始生又生魄之時以平明候之月見辛方也艮直下弦則二陰浸盛又下弦之時以平明候之月見丙方也坤直晦則三陰盛滿又晦時以平明候之月見乙方也皆與納甲相應

納甲納十二支圖

乾  戌申庚午


震  戌申庚午

坎  子戌申庚午

艮  寅戌申庚午

坤  卯辰未巳

巽  卯辰未巳

離  巳未亥卯

兌  未亥卯巳

考原曰此以八卦之六畫分納六辰之法也凡乾在內卦則爲甲而納子寅辰如初九爲甲子九二爲甲寅九三爲甲辰也在外卦則爲壬而納午申戌如九四爲壬午九五爲壬申上九爲壬戌也凡坤在內卦則爲乙而納未巳卯如初六爲乙未六二爲乙巳六三爲乙卯也在外卦則爲癸而納丑亥酉如六四爲癸丑六五爲癸亥上六爲癸酉也因乾坤各納兩干故別爲內外二卦若震止納庚則初九爲庚子六二爲庚寅六三爲庚辰九四爲庚午六五爲庚申上六爲庚戌巽止納辛則初六爲辛丑九二爲辛亥九三爲辛酉六四爲辛未九五爲辛巳上九爲辛卯坎離

自起其以六卦直月候明魄死生陰陽消息與先天圖有相似如魏伯陽參同契中所陳卽其說也參同契曰三日出爲爽震庚受西方八日兌受丁上弦平如繩十五乾體就盛滿甲東方七八道已訖屈折低下降十六轉就統巽辛見平明艮直于丙南下弦二十三坤乙三十日東北喪其朋節盡相禪與繼體復

生龍壬癸配甲乙乾坤括始終朱子以爲卽先天之傳孔子之後諸儒失之而方外之流密相付授以爲丹竈之術耳今按先天之圖八卦俱備而納甲除去坎離以爲二用則其法亦不盡合或曰說卦言天地定位山澤通氣雷風相薄乃以三陽三陰至一陽一陰爲序而其後方言水火不相射蓋以六卦寓消息而以水火爲用或者古有此說也至其叅錯六辰之法則陽皆順行陰皆逆轉陰陽之老長中少每差一位惟震與乾同者長子繼父體也坤不起於丑而起於未尤與洛書耦數起未位後天圖坤居西南樂律林鐘爲地統而應未月之氣者相合故諸術之中惟納甲爲近理今火珠林卜卦卽其法也

